

明

史

明史卷一百八十四

列傳三十五

鐵鉉

盛庸

平安

梅殷

張昂

謝賁

二

葛

誠

余逢辰

宋

忠

孫彭

聚

余

瑱

馬

宣

曾

潘

卜

萬

木

鏗

瞿

能

莊

得

楚智

名

張

張

張

倫

鐵鉉鄉人洪武中由國子生授禮科給事中調都督

府斷事嘗讞疑獄立白太祖喜字之曰昂石建文初

為山東丞相政李景隆之北伐也鉉督餉給軍食景隆

兵敗白溝河棄其師單騎走德州一時城戍望風先

濟鉉與叅軍高巍感奮涕泣自臨邑趨濟南誓以死
守而燕兵攻德州景隆遂棄德州走濟南依鉉德州
城陷燕王收其儲蓄百餘萬勢益張遂攻濟南景隆
接戰復大敗南奔鉉與叅將盛庸等乘城禦燕盡殺
其攻具城壞輒畫布為帷夜暮之遠望若城而潛施
版築其內敵初不敢逼既而覺之發大礮奮擊鉉書
太祖高皇帝神牌懸城上敵相顧不敢發礮燕王憤
甚堰濟水灌城城中人大懼鉉曰無恐賊且就縛令
守牌軍士皆哭已而羣呼曰願降乃出千人城外伏
地請命且請退兵十里無擾百姓當是時燕王稱兵

已踰年僅下永平徐定二府諸州縣旋破旋復堅守
不肯下至是聞願降乃大喜曰濟南中原要會得濟
南斷南北道即盡疆自守金陵不難圖也亟下令退
軍受降軍中皆大喜呼萬歲明日燕王乘駿馬張蓋
鼓吹徐行過橋及甕城甕城舊有垂門懸之不下鉉
預戒壯士伏城上候燕王入城聽城下人呼千歲則
急下垂門而別設伏撒橋欲盡殲燕衆燕王甫及城
城下人遽呼千歲門驟下中王馬首王大驚急棄所
策馬取從馬走而橋下伏發斷橋橋舍卒不可拔王
鞭馬督疾馳去鉉率衆掩擊大敗之夜復與盛庸等

研其營燕兵潰走鉉等乘勢奮擊斬獲無算遂復德
州帝聞拔大悅遣官慰勞賜銀幣封其三世擢鉉山
東布政使封庸歷城侯尋進鉉兵部尚書奏庸軍務
尋復大敗燕王於東昌斬大將張玉再戰再敗之燕
王奔還北平自是燕兵南下不敢復道濟南北燕兵
漸逼帝命遼東總兵官楊文將所部兵十萬至濟南
與鉉合絕燕之後文師至直沽遇燕將宋貴等邀擊
遂潰散無一至濟南者鉉與諸將戮力禦燕復敗之
小河已而燕師渡江鉉屯兵淮上衆潰被擒至殿前
鉉資闕立木罵乃剗其膝截其耳鼻令一反顏終不

得乃守磔之。至死罵不絕聲。年三十七。子福安。年廿二。發河池千戶。所克軍。康安七歲。發鞍驛局。克。匠。壽。將死。女玉兒。四歲。發教坊司。父仲名。年八十三。與母薛並安置海南。其幸免族誅者。謂鉉。非朝臣也。福玉時贈太保。謚忠襄。

戚庸不知何許人。供武中器官。至都督。同知。女為汝南玉。有勳。妃。建文初。以叅將從。耿炳文北伐。炳文被召還。李景隆代之。遂隸景隆麾下。二年。景隆為燕所敗。棄師遁。庸入濟南。與鐵鉉等合力禦燕。大挫燕衆。燕王亦解圍北還。提閩封。歷城侯。食祿千石。壽命為平。

燕將軍總兵官陳暉平安為左右副總兵馬溥徐真
為左右叅將鐵鉉叅贊軍務督諸軍北進會兵德州
帝下詔誠諭諸將士毋傷燕王使朕負殺叔父名是
時燕王方破滄州畧其輜重還北平道經德州庸遣
輕騎襲其後燕王乃獨率數十騎為殿庸兵不敢擊
已而轉畧東昌庸嚴兵待之背城陣燕兵鼓噪直前
薄左翼不動復衝其中堅庸開壁縱燕兵入圍之數
重會燕將朱能等率番騎薄東北角王乘間易服躍
馬突圍出從騎盡殲殺其大將張玉再戰再敗之斬
獲萬計燕王獨以一騎殿後退至館陶庸飛檄真定

滄州德州水陸犄角遞歸路燕精銳喪失殆盡卒以
帝命無敢傷燕王者燕王遂還北平露布至京召諭
中外享太廟告捷明年燕王復出保定庸營於夾河
燕王以三騎來覘掠其陣而過庸軍皆擁盾自蔽既
而燕將譚淵董真保等進攻皆為庸軍所殺燕兵大
敗會日暮斂兵燕王獨以十餘騎遁庸營野宿天明
引馬鳴角穿營去諸將士相顧憤愕不敢發一矢明
日復戰燕軍東北庸軍西南自辰至未互勝負兩軍
皆疲將士各坐息復起戰忽東北風大發塵蔽天昏
黑庸軍士遙望砂礫燕兵乘風大呼橫擊踐踏死者

無算庸遠保德州先是庸出夾河約吳傑平安等出
真定攻北平將至聞庸敗遂還及安等敗於靈壁被
陷庸獨將兵剋戰艦淮之南岸拒燕而燕將丘福等
潛濟出庸後庸不能軍燕王遂渡淮庸據守浦口燕
王從奸始出揚州將謀渡江庸率諸將奮擊敗之燕
師既深入不得渡又無後援欲且議和北還會高煦
引番騎至殊死戰庸小却帝遣都督陳瑄來援瑄竟
叛率舟師迎燕燕王乘瑄舟徑渡庸倉卒聚海艘出
高資港迎戰不勝軍潰散嗣是不復有拒燕者矣燕
王稱帝庸尚擁兵淮上乃賜勅曰此以小來未定命

卿鎮守淮安今鐵鉉就獲諸郡悉平朕念山東久困
兵革憊於轉輸卿宜輯兵養民以稱朕意永樂元年
致仕無何千戶王欽訐庸罪狀欽立進指揮同知賞
銀百兩都御史陳瑛因劾庸怨望有異圖遂削庸爵
庸自殺

于安濬人父定從太祖起兵官濬寧指揮僉事從常
邊春定山東河南至元都戰歿安初與周舍道舍馬
兒金剛奴也先買驢真童濬兒皆為太祖義兒及定
歿安襲定職遷丞雲指揮使進右軍都督僉事建文
元年從李景隆北伐為先鋒時燕王將渡白溝河安

率萬騎邀擊之燕王曰平安堅子往從吾出塞攬吾
用兵以故敢為先鋒今當先破之使敵人喪膽及戰
輒為安所敗燕王踉蹌夜走失道從者僅三騎下馬
伏地視河流辨東西始知營壘所在明日再戰燕將
房寬先登安敗之驍將陳亨被創幾死北兵大敗燕
王見陣後塵起率七騎馳赴左右止王勿前王曰敵
精銳所在吾當之敵不敢傷我當是時王馬凡三易
三被創矢三服都盡會旋風折大將旗景隆軍亂燕
因縱火燔諸營安等皆潰燕兵圍濟南安謀出御河
奪燕餉舟屯而圍解明年燕敗盛庸於交河乘勢迴

軍與安戰於葦家橋安奮擊大破之擒其將薛祿燕
何逸去再戰溥沱河又破之安於陣中縛樓高數丈
戰酣輒升高以望發強弩射燕軍矢下如雨集燕王
旗如蠅毛忽大風起發屋拔樹聲如雷都指揮鄧散
陳鵬等陷敵中安遂敗入真定燕王數出犯所向討
雁安與盛庸二軍屢挫之王不得還踰月燕師出大
名安亦急迎戰而與庸及吳傑等分兵擾其餉道燕
軍苦之遣指揮武勝奉書於朝請撤安等息兵帝覽
書頗惑之而燕將李遠等方潛走沛縣焚糧舟掠彰
德破尾尖寨輸降林縣勢且南下安於是率萬騎直

走北平至平村去城五十里而軍燕王懼遠劉江等
馳救安亦引還與燕將李彬戰於楊村敗之燕兵破
蕭縣安統大軍營於小河張左右翼以進合戰大敗
之斬其將陳文再戰再敗之又斬其將王真真在燕
最稱敢戰燕王常曰奮勇如王真何事不成至是為
安所殺燕王乃身自迎戰安挺鎗大呼直前刺王馬
忽蹶燕王脫走燕軍中大懼移軍齊眉山安復進搏
戰旬午至酉又敗之燕諸將皆請還軍圍後舉王大
怒諸將不敢復言而何福又引軍來與安合燕軍中
益大懼燕王晝夜環甲不寐福欲持久以老燕師移

營壘壁極深整築壘日固而運糧實其中會糧乏安
分兵逆糧車燕王以精騎遮之軍分為二福開壁未
援為高煦所敗將移軍淮河就糧燕軍猝薄其壘軍
中大亂人馬墜壕整俱滿福單騎走而安及陳暉馬
簿徐真孫武等三十七人皆被執文臣官官在軍被
執者百五十餘人燕軍既得安懼呼動地曰吾屬自
此獲安矣安屢敗燕兵斬驍將數人燕軍莫敢嬰其
鋒蓋是爭猜殺之燕王惜其勇簡銳卒衛送北平命
世子及郭資等善視之王即帝位以安為北平都指
揮使尋進行後府都督餘事成祖常笑問安曰向非

馮徽當如何安曰刺陛下如拉朽耳永樂七年帝巡
北京將至謂左右曰平保兒尚在耶保兒安小字也
安聞之遂自殺命以指揮使祿給其子

梅殷字伯殷夏邑人汝南侯思祖從子也洪武十一
年尚寧國公主為駙馬都尉太祖十六女諸駙馬中
先愛殷十九年命殷提督山東學校賜勅褒之謂殷
通經史堪為儒宗時勲戚中惟李文忠以上公與國
學及殷以駙馬視學政當世以為榮太祖春秋高諸
王強盛殷嘗受命輔皇太孫及燕師逼建文帝命
殷克總兵官鎮守淮安悉心防禦號令嚴明燕王將

戰三年所得州縣俱不能守師又數敗甚窘會有內
間言南朝重兵皆在山東京師空虛者遂引兵直趨
淮南南軍反隔在後並來追倉皇戰不利沿淮相持
者數月南軍大潰諸將皆被執燕王遂遣使假道於
殷以進香為名殷答書曰進香高皇帝有禁王不遵
是不孝也王大怒復書言今興兵誅君側之惡天命
有歸非人所能阻殷別使者斥鼻謂之曰留汝口歸
當為文恩義王為之氣沮會鳳陽知府徐安亦折浮
檣絕舟楫以遏燕師卒不得渡淮乃涉泗水出天
兵東進揚州王既即帝位殷尚擁兵淮上帝遣公主

招殷公玉噓指血寄書殷乃還京師帝聞殷至大喜
迎勞曰駙馬勞苦殷曰勞而無功帝默然永樂二年
都御史陳瑛奏殷畜養亡命出入其家者八十餘人
又與女秀才劉氏朋邪詛咒乞正其罪帝因諭戶部
考定公侯駙馬伯儀仗從人之數而別命錦衣衛執
殷家人送遼東三年冬十月殷入朝前軍都督僉事
譚深錦衣衛指揮趙曦擗殷死筮橋下而奏殷自投
水死公主牽帝衣大哭曰駙馬安在帝笑曰毋自苦
需為公主踪跡賊俄而都督同知許成發其事帝怒
詰深曦曰若與梅都尉仇耶二人曰止命也奈何罪

臣帝大怒命槌落二人蓋下獄論斬籍其家遣官為
殷治喪葬殷子承真已為孝陵衛指揮使獲官其子
順昌為中軍都督府都督同知景福為旗手衛指揮
使謹殷曰榮定而封許成為永新伯賜公主書曰駉
馬梅殷雖有過失兄以至親不問此聞溺死兄甚疑
之密訪窮搜不得其實今都督許成來首已加爵賞
謀害之人悉置重法特報妹知之凡刺反者降人也
事殷久謂深曦實殺殷請於帝斷二人手足剖其腸
祭殷遂自縊死十二月進封寧國公主為寧國長公
主命戶部全給順昌等月俸米尋復命全給長公主

歲祿宣德中與世襲孫純舉成化辛丑進士為定遠
知縣忤上官棄歸製武階為中都副留守初公主聞
燕王反常貽書責以大義不答燕王至淮北亦貽書
公主命遷居太平門外勿罹兵禍公主亦不答公主
太祖第二女也當燕兵初起駙馬都尉李堅以尚大
名公主封灤城侯拜副將軍從耿炳文北伐敗於真
定為薛祿所刺墜馬將刃之堅大呼曰我李駙馬也
勿殺遂縛以見燕王械送北平道卒而懷寧公主婚
王寧常為燕王通語言洩禁中事永樂初封永春侯
張禹澤州人洪武中舉人材累官工部右侍郎建文

帝即位諸王多不奉法廷臣建議藩國更置守臣乃
以曷為北平布政使與都指揮謝賁並受命同察
燕事至則王稱疾久不出謀甚秘曷知必為變乃部
署在城七衛及屯田軍士列九門防守燕將張玉朱
能屢請王起兵建文元年七月六日會朝廷遣人逮
燕府官校王偽驍官校置庭中將付使者給曷責入
至端禮門為伏兵所執曷不屈死燕王入京族曷家
焚燬其近城程宗等永樂初帝嘗夢曷被髮為厲出
其屍焚之而如生正德中知州馬如驤立祠祀之福
遂將贈曷子太保工部尚書謚節愍

謝賁未詳所自起洪武二十五年以錦衣指揮僉事
擢河南都指揮僉事二十八年坐法當死尋宥降河
南衛指揮僉事建文初齊泰薦賁智勇可任以為北
平都指揮使俾察燕事即有變先發後聞元年六月
賁部署七衛兵布城中迨王城外墻以木柵斷端禮
門王亦集獲衛勇士八百人為之備張玉未能請先
擒賁及張易王曰彼防守嚴猝難獲當以計致之令
中人來達護衛官屬悉依所坐名收之令中人召賁
易付所逮者則賁易必來來則縛之一夫力耳乃匿
壯士端禮門內召賁易久之至衛從甚盛至外門門

者河上惟責罵得入至端禮門壯士出擒之責問不
屈責罵同日死責被擒軍士散走張玉等率勇士捕
之夜攻九門克其八獨西直門未下都指揮彭二躍
馬大呼市中曰燕王反從戎者賞集兵千餘人將入
端禮門王遣健卒龐來興丁勝格殺二兵亦散盡奪
九門燕師遂起福王時贈責英山伯謚勇愍贈二舒
城伯謚武壯

著誠未拜何許人為燕王府長史建文初王使誠奏
事京師覘朝廷所為帝召見問府中事誠具以實對
遣還主佯病盛暑擁爐坐守寒張弼謝責等入問疾

甄密言王賈無病宜為併焉賈既擒誠以與謀被殺
護衛指揮盧振受易賈指與誠為內應至是亦死與
誠俱族其家余逢辰者宣城人有學行為燕府伴讀
主信任之以故得聞異謀乘間力諫知變將作貽書
其子誓必死及兵起復泣諫言君父兩不可負死之
文北平人杜奇燕王起兵徵才雋之士入府奇極諫
當守臣節王怒立斬之禍王時贈誠大理少卿謹果
愍振都督同知逢辰苑馬少卿謹忠愍奇翰林檢討
謹貞五

宋忠洪武末為錦衣衛指揮使百戶有論死非其罪

者志疏救御史劾之太祖曰志率直無隱為人請命
何罪為並宥百戶尋為舍都御史劉觀所劾調鳳陽
中衛指揮使三十年平老將軍森讓征西南無功以
忠為恭將從將軍楊文討之師旋獲官錦衣建文元
年志以都督奉勅總兵三萬屯開平悉簡燕府舊
衛壯士從忠聽忠節制又都督徐凱屯臨清耿獻忠
山海和為犄角北平故有永清左右衛忠調其左屯
彰德右屯順德約張弼謝貴葛誠為內應以圖燕燕
王殺弼等起兵忠率兵至居庸關關已失守不得進
遂保懷來燕王度忠必爭居庸率精兵八千卷甲倍

並趨懷來獲謀者言忠謂將士爾等家在北平者並
為燕屠滅盡努力復讐報國恩燕王急令其家人張
旒旗職為前鋒呼其父兄子弟相問勞諸將咸喜曰
我家固安宋總兵欺我遂削戈走忠倉卒布陣未成
劉燕兵一麾渡河鼓噪而進忠敗死之忠之守懷來
也都指揮彭聚孫泰與俱及戰泰中流矢血被甲裹
劍力闢與聚俱陷陣亡當是時諸將校為燕所俘者
百餘人皆不肯降以死其姓名多不可考福王時贈
忠壽昌伯鎡莊愍恭象山伯麟勇愍贈聚左都督
添麟北平都指揮使初與謝賁密謀不遂賁死鎮走

居庸關宋志承制全瑱守關瑱簡卒得數千人將進
收北平燕以議曰居庸險隘為北平咽喉瑱據此則
附我昔宜急取遂專力擊瑱瑱且戰且守援兵不至
棄關走懷來保忠忠又敗北兵紹曰石頭城亦破矣
瑱曰石頭城即破吾亦不舍懷來力盡被執不屈死
福孫時贈瑱東陽伯謚翼德又有諫質者江西都指
揮使遷之初以恭將守大同進中軍都督同知助宋
志保懷來忠敗退守大同代王欲舉兵應燕質持之
不得發乘燕師攻大同不下蔚州廣昌附於燕旋復
敗逆與祖印位以質規制代王剽掠已附誅死

馬宣遷文時為北平都指揮使守蘇州燕兵起張王以薊州外接大寧兵多騎士三河潞河躍馬可渡不先定將為後患燕王因遣王及朱能將兵攻之時宣果悉發守兵將攻北平遇燕兵戰於公樂驛不利退保薊州與鎮撫曾濬閉城堅守王等擁衆悉攻宣出城再戰敗被擒並擒濬皆不屈宣罵不絕口死事聞建文帝褒恤其家福王時贈宣金椒伯錫忠壯贈濬都指揮

此萬建文初以都指揮守大寧燕師起萬與都督劉真鍊等出兵柘松亭關守欲降燕畏萬不敢發燕行

反間貽萬書盛稱萬極譏毀守誠讓守密召所獲大
軍卒解縛厚賞之置書衣中俾歸密與萬故使同獲
卒見之怪問守者曰彼何為得此守者曰遣歸通密
審於卜都司以故得厚賞卒跪告守者曰能為我請
得偕行惟命之從不敢望賞守者為請得俱遣而竟
不與賞不得賞者終不平至即發其事真守搜卒衣
得書遂執萬下獄死籍其家已而燕王襲破大寧真
守遂救守遂襲走真以降當大寧破時指揮使朱鑑
率所部為賊被縛不屈死福王時贈萬左都督贈鑑
魯州伯益壯烈

翟能合肥人父通以開國功累官都督僉事能嗣官
以四川都指揮使從涼國公藍玉出大渡河擊西番
有功又以副總兵從都督聶祿討建昌叛酋月魯帖
木兒又征藍玉破賊雙狼塞燕師起從李景隆為裨
將攻北平鋒甚銳能與其子率精騎千餘攻彰儀門
垂克景隆忌之令候大軍同進於是燕人夜汲水沃
城方大寒水凝而滑不可登燕王還軍景隆軍大敗
退駐白溝河燕軍追及之能父子奮擊所向披靡日
鏖各收軍明日復戰燕王以七騎馳擊南軍飛矢如
注馬三易三創射矢且盡幾為能所及王佯招後軍

以疑之得脫去薄暮能復引衆搏戰大呼滅燕斬馘
數百指揮俞通淵勝聚復率衆來會會旋風起陣動
王以勁騎統出其後突入馳擊遂斬能父子通淵聚
俱死精兵萬餘人並沒南軍由是不振福王時贈能
平陽伯謚襄烈贈聚都督同知通淵別有傳

莊得西涼都指揮洪武末召至北平為燕右翼出塞
有功建文初隸朱忠麾下懷來之敗得一軍獨全後
從盛庸戰於夾河斬燕將譚淵已而北兵以勁騎乘
暮掩擊得力戰與楚智皂旗張皆死焉智亦都指揮
嘗從馮勝藍玉出塞有功建文初守北平尋召還從

李景隆統騎兵遇戰輒奮力北人望旗幟收粟至是
馬陷被執不屈死之皂旗張不詳其名或曰張能力
挽千斤以都指揮克偏將每戰輒麾皂旗先驅軍中
呼為皂旗張戰死時猶執皂旗不仆北軍驚異又王
指揮者常騎小馬軍中呼小馬王戰白溝河被重創
脫胛付其僕曰吾為國死以此報家人立馬植戈而
死福王時贈得分水伯謚勇愍贈皂旗張淳安伯謚
英烈贈智左都督小馬王都督同知

張倫河北諸衛指揮使馬宣自薊州起兵攻北平不
克死倫聞之發憤令兩衛官率所部南奔結盟報國

初從李景隆總從盛庸有功後竟死之福王時贈保
昌伯謚貞勇

論曰太祖末年元功宿將誅彞殆盡矣建文帝一意
右文武臣徃徃解體炳文景隆舉數十萬衆而委之
燕人遂成長驅之勢鉄鉉盛庸收拾於殘創之餘嬰
守孤城崎嶇淮上而平安宋忠輩僅以一旅跳盪娘
奮南車自餘効力死綏身殉行陣者亦寥寥矣燕人
得志夫豈偶然也哉

明史卷一百八十五

列傳三十六

練子寧

黃觀黃魁車敬

陳迪

陳性善彭與明慕昭侯泰

郭任

盧迪 陳植 景清

茅大芳

周璩 胡閏高 翔廖 昇鄒瑾朴

練子寧名安以字行新淦人父伯尚工詩洪武間為起居注直言忤旨謫廣德州同知遷汀州通判改鎮安卒於官子寧少英邁不群與金幼孜素友善謂之白子異日必為良臣我必為忠臣無相負也洪武十八年以貢士廷試對策言陛下以得人之難詢草茅

之陋謀之可謂廣求之可謂切矣臣不知陛下米能
聽之與抑姑試之與雖然君以名求臣以實應好言
以招禍觸諱以亡身非臣所敢恤也陛下所謂敬事
而畏神人此唐虞三代命官之語也陛下臨御十有
八載孜孜求賢至於數用非常雖臣亦疑之夫人君
之道在知人知人之職在任事君有知人之明臣有
任事之責故唐虞用人必敷奏以言而後明試以功
必明試以功而後車服以庸未嘗造次任之也陛下
孜孜求賢而數用非常者亦察之不詳用之太驟之
過也陛下擢用天下之士責望非不深委任非不專

然迄無報國之效何邪拘名而不求實之技也古之用人者必其人之足當是任而後用之不疑今則不然以小善而遽進之以小過而遽戮之且天下之材生之甚難成之尤難陛下既知生之成之為難又思以區區小技而即付之刀鋸斧鉞之地哉漢武以英武之資朝奏暮召小不如意誅戮隨之以有限之才縱無窮之誅若此無已奈何為治陛下興天下之學校育天下之賢才而教之之術未盡故士之能成者未至也臣願陛下選師立教求胡瑗之法立治經治事之科歲考其成則成德至矣能詳於始則可畧於

終能勞於先則可逸於後陛下命臣以致君名世自
斯舉始是欲臣以古人自期也臣報陛下請服膺故
事畏神人一語至於阿曲求恩違逆將順非臣所學
也策奏太祖稱善擢一甲第二授翰林院脩撰未幾
丁母艱旬始喪以至祥禫力行古禮服闋復除脩撰
遷副都御史工部侍郎建文初與方孝孺特見信用
改吏部左侍郎以賢否進退為己任多所建白未幾
拜御史大夫燕師起李景隆北征屢敗召還予寧從
朝班中執景隆數其罪曰若以功臣子為至戚爵上
公奉命出師國家何負於汝汝乃心懷異圖喪師辱

國請誅之不聽憤激叩首大呼曰壞陛下事者必此
賊也後憐其執法不能為朝廷除賣國奸臣死有餘
罪即陛下赦景隆必無赦臣因大哭求死帝為罷朝
燕師苑漫淮靖江府直史蕭用道衡府紀善周是修
上書論大計指斥用事者誤國書下廷臣議用事者
盛氣詬二人子寧曰國事至此尚不能容言者乎詬
者媿而止成祖卽位執子寧至語不遜命斷其舌曰
吾欲效周公輔成王耳子寧探舌血大書殿執曰成
王妾在血入於靴滌之不滅遂媒之族其家姻戚連
死者百五十一人成造者三百七十一人子寧死時

侍廢抱一歲免匿民間得免萬曆間有練績者即免
六世孫也或曰妾秦氏有娠生子戊所名善慶云女
瓊入浣衣局宣德元年賜勅赦歸適儒生子寧從子
大亨官嘉定知縣聞變同妻沉劉家河死會妾將免
身匿縣民家生子易姓曰侯遂為嘉定人子寧同里
人徐子權洪武十八年進士為刑部主事聞子寧死
慟哭賦詩自經死子寧善文章方孝孺稱其多學而
文弘治中王佐刻其遺文曰金川玉屑集提學副使
李夢陽立金川書院祀子寧父子名其堂曰浩然福
王時贈子寧太保都御史謚忠貞子權光祿卿謚忠

慈

黃觀字伯瀾一字尚賓貴池人父贊許氏生觀初從
許姓受學於元翰林待制黃昇昇死節於元觀益自
砥礪築翠微書舍讀書其中洪武中貢入太學是歲
領鄉薦尋罹父艱服闋仍入監繪父母墓為圖賜拜
輒減下二十四年會試廷試皆第一授翰林修撰累
遷尚寶司卿禮部右侍郎乃奏復其姓建文初更官
制設左右侍中員次尚書改觀本部右侍中仍兼尚
寶司卿與方孝孺等並見親用燕王舉兵觀草制詔
俱散軍歸藩未身謝罪辭極詆斥四年奉詔募兵上

將且督諸郡兵入援至安慶燕王已渡江兵未幾即
位下令暴左班文職奸臣罪狀觀名第六既而索國
寶不知所在或言已付觀出收兵矣命有司追捕狀
其妻翁氏并二女給配象奴象奴索釵釧出市酒餚觀
妻佯諾悉與奴持去急携二女及家屬十人投淮清
橋下死觀聞招魂墜之江上次李陽河朝服再拜枝
羅剝磯湍急處舟人鈎得其棕帽以獻命來弔象觀
如帽於首對於市籍其家并速成姻黨百餘人觀弟
觀先遷其幼子逃之他鄉或云觀妻畢孀居毋家迹
履生子姓黃氏有後於青池觀故宅在學宮而其後

知縣龔守愚即其所立祠祀之有闌幽集錄其遺藁
傳世初觀妻投水時嘔血石上成小影陰雨則見相
傳為太士像僧舁至菴中其夜夫人見夢曰我黃狀
元妻也此明沃之以水影愈明有愁慘狀其後移至
觀祠名翁夫人血影石與觀同為侍卽者曰黃冠不
詳何許人有學行習典禮尚書陳迪與觀守愛敬之
燕兵入亦不屈死福王時贈觀太子太保謚文貞妻
謚貞懿冠贈尚書

車放字惟恭瑞安人穎悟過人讀書十行俱下終身
不忘七歲有術者相之曰是兒骨法殊異後必為名

公御惜血不筆色卅年十五讀書寶香山風雨夜聯
迷失道得一兕牛馮之歸比及門黑虎也舉洪武二
十一年進士除戶科給事中直言無所避忌時制度
未備諸王服乘擬太子故乘間為太祖言京師天下
視效今陛下於諸王不早辨等威而使服飾與太子
埒嫡庶相亂尊卑無序何以今天下帝笑曰卿言是
朕慮未及此益器重之他日與同官見適八十一人
命改官為元士尋以六科為政事本源又改曰源士
已復稱給事中遷宗人府經歷歷戶部侍郎建文初
故密奏言燕王智慮絕倫雄才大畧酷類高帝北平

形勝之地士馬精強金元所由興也今宜徙封南陽
羽翼既剪變無從生萬一有此亦易控制夫將萌而
未動者幾也量時而可為者勢也勢非至剛莫能斷
機非至明莫能察惟上留意焉疏入帝大驚袖之翼
曰語敬曰燕王骨肉至親卿何得為此言敬叩首曰
楊廣於隋文非父子耶帝默然良久曰卿休矣事竟
寢成祖即位敬被執責之曰佐者建議徙燕幾至搖
朕非汝乎汝何敢雜問骨肉乃爾敬厲聲曰先帝若
用敬言殿下安得至此成祖怒猶憐其才命繫獄使
人諷之曰今上皇帝叔也建文皇帝姪也事屬一家

何為徒自苦獨不見管仲魏徵事乎敬泣曰人臣委質有死無二先皇帝正朔相承曾無過舉一旦橫行篡奪恨不即死見故君於地下乃更欲臣哉耶成祖猶不忍殺之姚廣孝故與敬有隙進曰昔夫差不殺范蠡而蠡卒沼吳王衍不誅石勒而勒終死衍敬言誠見用上寧有今日耶乃斬之誅其三族臨刑從容嘆曰敬備員大臣變起宗親畧無經畫死有餘罪神色凜然經日尚如生妻劉女楊奴發教坊司或云敬女没入官宣德間赦還歸巡檢陶某見者多為流涕稱曰卓氏女敬遠難時從父弟敬變姓名為宋哲三

徙而家於仁和至七世始復卓姓敬立朝慷慨美半
姿善談論凡天官輿地律曆兵刑諸家無不博究成
祖嘗嘆曰國家養士三十年惟得一卓敬萬曆初用
御史屠叔方言詔建祠表墓福王時贈太子太保戶
部尚書謚忠貞

陳迪字景道其先宣城人祖宥賢國初從征有功世
撫州守禦百戶因家焉迪倜儻有志操洪武中辟府
學訓導為府革萬壽賀表太祖覽而異之久之以通
經薦除翰林院編修遷侍講出為山東左叅政捕蝗
殄盜多惠政丁內艱起復除雲南右布政使普定曲

增烏撒烏蒙諸蠻煽亂，迪率上兵擊破之，獻俘於朝。賜金幣，建文初徵為禮部尚書。時更修制度，沿革損益，迪諫為多。會以水旱詔百官集議，迪言：「方今刑獄未清，下有冤民，宜勅法司擇公廉吏分詣郡邑審覈繫囚。」又言：「流民既喪家業，復畏公私逋負，失令不恤，必彌聚為患。」令有司招徠其不願歸故土者，聽附籍耕種，暫免差徭，則民安盜息。所言凡二十餘事，皆從之。尋加太子少保。子兼偉，辭。李景隆等數戰敗，迪上疏陳大計，受命督運軍餉輸綬。終繹過家，未嘗輒入。已而變趨赴京師，成祖即位，召迪責問抗聲，指斥

不為屈子鳳山丹山等六人同磔於市鳳山大呼父
累我迪叱使勿言媿焉不絕口命判鳳山等舌鼻熬
羹與食問好否迪曰忠臣孝子肉香美絕異非亂臣
賊子比也蓋唾晉叱死不輟聲人於衣帶中得詩又
有五憶歌並悲烈迪妻管氏闔門縊死幼子珠生五
月乳母潛置溝中得免八歲為怨家所訐戍撫寧尋
徙登州為蓬萊人族戚被誅者百八十餘人其謫戍
遣者萬曆中始赦還鄉成化中寧國知府涂觀立祠
祀迪弘治間喬孫昂舉進士仕至應天府尹亦剛鯁
有歸福主時贈迪太保謚忠烈

陳性善名獲初以字行山陰人洪武三十年進士
唱過御前帝見其容止凝重屬日久之曰君子人也
授行人司副遷翰林檢討初誠意伯劉基之卒也詔
御史存鐸往取遺書基子璉出觀象玩占諸秘冊隨
鐸詣闕上之性善故工書法召入便殿繕錄帝威嚴
進見者多怖恐或惶汗不成一字性善舉動安詳存
查端好帝大悅賜酒饌由是見親幸建文帝即位薦
達流人薛正言等數革柔而布政使韓宜可據謫籍
亦以性善言起副都御史帝居東宮時已習知性善
名遂是遂擢禮部侍郎一日退朝獨留賜坐問治天

下委道使手書以進性善感知過盡所欲言忠從之
已而輒為有司所格性善進見曰陛下不以臣不肖
猥承顧問臣既僭塵聖聽許臣必行今未幾輒改事
同反汗何以取信天下帝為之動容燕師起改副都
御史出監軍靈壁戰敗性善與大理丞彭與明歆天
監副劉伯完等皆被執北去悉縱還性善曰辱命罪
也奚以見吾君朝服躍馬入於河以死成祖入京師
詔加追戮徙其家於邊時餘姚黃焯陳子方與性善
友亦同死節萬曆初巡撫浙江御史蕭廉請於會城
建祠祀性善整程本丘等許之福王時贈性善太子

太保左都御史謚忠節彭與明者萬安人貢入太學
歷兵科給事中刑部員外郎建文初遷按察僉事入
為大理右寺丞廉劾敏達以才見推出督軍既被執
燕王繼歸令傳語中朝士與明慚憤裂冠裳變姓名
遁去劉伯完亦亡去不知所終

慕昭淳山人洪武中由國子生授大理寺司務三十
年擢刑部右侍郎明年遷左都御史未幾改刑部尚
書耿介有峻節布衣麻屨以清儉知名建文初充北
平採訪使具得燕邸不法狀密對以聞且請預為備
燕兵起該北平布政司於真定昭以尚書掌司事與

鐵鉉華悉心經畫平安諸軍敗名歸未幾金川門陷
昭出亡被執見成祖不為屈成祖怒命去其齒截手
足罵不絕口至頸斷乃已繼昭為刑部尚書者侯泰
字順懷南和人以薦舉起家洪武末自禮部員外郎
擢刑部左侍郎建文初進尚書燕王舉兵泰力主抗
禦之策嘗督餉至濟寧又出淮安總軍餉已而京師
不守泰行至高郵被執下獄不屈死弟敬祖子玘并
生死妻給象奴福王時贈昭泰太保昭謚剛烈泰謚

勤貞

鄒任丹徒人一日定遠人廉慎有能建文初官戶部

侍郎時帝用蘇恭黃子澄策以次貶削諸藩任言天下事先其本而後其末則功成今日儲財聚併軍實果何為者然而北討周南討湘合其本而末是圖非策也且兵貴神速苟曠日持久銳氣既竭姑息隨之將坐其困耳燕王聞而惡之及燕兵起任與同官盧迥主調兵食師入金川門任猶圖抗禦被擒詰問不屈死之子經亦論死少子成廣西三女給配嘉靖中知府劉儲秀立祠祀之盧迥者仙居人為人與胡不拘小節而大義皎然少善飲酒飲後輒高歌聲出金石人或謂迥狂士也及既仕顧折節恭慎建文三年

拜戶部侍郎燕兵入都城不屈縛就刑長罪而死台
父祀之八忠祠福王時任迥俱贈太子太保戶部尚
書任謙清毅迥貞達

陳植廬江人元末舉鄉試不仕洪武間官吏部文選
主事有聲建文二年歷官至兵部右侍郎燕兵臨江
植駭戰以上慷慨誓師部將有議逃降者植責以大
義甚厲部將遂殺植以降且邀賞燕王怒立誅部將
命具棺斂植獲葬於白石山家屬皆走匿無一人敢
會葬者福王時追謚建文諸臣有言違異者榮澤人
馮兵部侍郎燕兵至不屈死金有聲者河南人為刑

部侍郎徵兵江西為南陽衛官轉至京死遂俱贈太子太保本部尚書謚昇果慤有聲翼慤而或云金侍郎者即純純實不死仕永樂中至尚書云

景清本耿姓訛為景真寧人倜儻尚大節讀書一過不再日洪武中領鄉薦遊太學二十七年擢進士及第授翰林院編修改監祭御史三十年春召見命署左僉都御史未幾偕御史鄧文鏗劉觀奏事以疏字誤懷印入刑科更疏為給事中所劾下詔獄尋宥之詔巡察川陝私茶除金華知府建文初為北平叅議燕王與語言論明漸王大稱賞尋召還為僉都御史

也改御史大夫燕師八諸臣死節者甚衆清素預密
謀且約方孝孺等同殉國難至是獨詣成祖自歸成
祖喜曰吾故人也仍其官清委蛇班行者久之人莫
測其意一日懷刃入朝先是星官奏有異星赤色犯
帝座甚急成祖疑清及朝清獨著緋衣入遂救之
得所藏刃衣衽中清知事不成躍起嫚罵曰吾之所
以不死者欲為故主報讐耳今不成天也成祖大怒
曰無論天子即親王敢爾邪清曰故不敢殺王欲殺
篡天子者耳命抉其齒且抉其舌含血直貢御衣成
祖愈益怒令剝膚剔肉刷以鐵帚實之以芻繫長安

門是夜成祖夢清遠殿追遜心惡之旦日輦過長安門繫怒斷行三步若犯駕狀乃命焚之併滅其族已而數入殿廷為厲又命發其先墓籍其鄉轉相攀染謂之瓜蔓抄村里為墟天啓中秦人高其義專祠祀之福王時贈清太保左都御史謚忠烈

茅大芳名誦以字行秦興人博學能詩文負奇節洪武中為淮南學官考績入朝太祖召對悅之擢秦府右長史制詞以董仲舒為言大芳益奮激輔導盡職顏其堂曰希董方孝孺為之記建文元年遷副都御史燕師起遣詩淮南守將梅殷辭意激烈聞者壯之

後坐奸黨被收不屈死之子順童道壽并論死二孫
死獄中妻年六十發教坊司正德末祀於縣郡人侍
節儲懽輯其遺文名希董集又有周璿者洪武末以
天策衛知事建言擢左僉都御史燕師至亦不屈死
福王時贈大芳太子太保左都御史謚忠愍璿左副
都御史謚肅愍

胡閏字松友鄱陽人太祖征陳友諒過長沙王吳芮
祠見題壁詩奇之顧問作詩者誰也或對曰里中儒
生胡閏立召見帳前洪武四年郡舉秀才入見帝曰
此書生故題詩鄱陽廟壁者邪授都督府僉事遷經

歷建文初以直隸選為右補闕尋進大理寺少卿燕
師起與齊黃輩晝夜謀畫軍事成祖入京首召方孝
孺草詔繼召閔及高翔三人至則衰絰望闕慟哭聲
徹殿陛乃趣閔先入諭令更服閔曰死即死再服不
可更也成祖以族誅恐之閔不動命武士舉金瓜擊
其齒齒盡抗聲不絕成祖大怒命縊死以石灰水浸
屍其皮實以革成人形懸武功坊即日籍其家子傳
慶與其姻族二百七人皆繫至市駢斬之其外親
之姻戚戍邊者一百十四人幼子傳福年六歲發錦
衣充幼軍出成交趾仁宗登極詔軍戶止一丁者宥

為民傳福雷赦還值交趾亂赦書不得達調饒州天
順初年六十一鯨而死閩妻任縉就刑部時四歲女
鄰奴自懷墜地或攜入功臣家付養下婢收之稍長
織大義髮至寸即截去日以養反汚面禿而垢積二
十餘年其家不為人類畜之洪熙初遇赦還鄉貧甚
誓不嫁見者競遺以錢赦曰此忠臣女也死時年五
十六鄉人私謚曰忠者貞姑嘉靖時提學副使邵鏡
立祠祀閩以鄰奴附高翔者朝邑人洪武中以明經
應召為監察御史多所建白建文時尤慘力兵事成
祖聞其名召見欲用之翔喪服入大哭語又不遜遂

族誅之又發其先墓雜牛馬骨焚灰揚之以其地為
漏澤園親黨悉戍遣諸給馬氏產者皆加稅曰令人
世世罵翔也福王時贈閩刑部尚書謚忠烈女郡奴
謚孝貞贈翔太僕卿謚忠愍

廖昇襄陽人不知其所以進學行最知名與方孝孺
王紳輩友善洪武末由左府斷事擢太常少卿建文
初勅修太祖實錄黃倫王景為總裁官昇與高遜志
為副總裁官李賈王紳胡子昭楊士奇羅恢程本立
為纂修官皆一時之選也燕師渡江朝廷遣使請割
地不許昇聞而慟哭與家人訣自縊死殉難諸臣昇

死最先其後陳瑛奏諸臣不順天命致死建文君請
行追戮亦首及昇云鄒瑾者永豐人洪武末薦至京
為大理寺丞建文末亦以不屈族誅瑾嘗與同邑魏
冕繫徐增壽於廷冕亦死難人稱永豐二烈又永豐
鄒朴者武言即瑾子也建文初仕周府直言進諫王
怒錮之王被收擢朴為御史遷秦府長史聞瑾死亦
不食卒福王時贈昇禮部尚書謚文節瑾大理卿謚

貞愍

論曰古有之從容就義又云視死如歸若建文諸臣
非所為從節不屈者耶然則殺之適以成其志也况

夫重之以膝毒殘戮忠良以逞一時之怒百世而下
其孰能許之于吁文皇亦過矣

明史卷一百八十六

列傳三十七

王叔英

王良

高遜志

周是修

石通

黃鉞

陳繼之

張德明

永

龔

戴德彞

程本立

曾鳳詔

王慶

王彬

崇剛

魏冕

謝霖

連楹

林

英

丁志方

葉希賢

牛景先

高巍

韓

郁

黃彥清

宋

敬

樊士信

王良

姚善

陳彥回

葉惠仲

蔡先運

松江同知

顏伯璋

鄭怒

張彥方

王省

陳思賢

王叔英字原采黃巖人洪武中與楊大中葉見恭方
孝孺林石並徵至京叔英固辭還鄉二十年以薦為
仙居訓導改德安教授遷漢陽知縣多惠政嘗早絕
食以禱立應建文時召為翰林修撰上資治八策曰
務問學謹好惡辨邪正納諫諍審才否慎刑罰明利
害定法制皆援証古今可見之行事又曰太祖除奸
剔穢抑強鋤梗如醫去病如農去草去病急或傷體
膚去草嚴或傷禾稼是故體膚病去則宜調燮其血
氣禾稼草去則宜培養其根苗帝嘉納之威祖兵至
淮叔英奉詔募兵行至廣德而京城不守會孫泰來

奔叔英謂恭貳心全執之奉至告之故乃相抱慟哭
共圖後舉已知事不可為沐浴衣冠書絕命詞藏衣
裾間自經於元妙觀銀杏樹下詞曰人生穹壤間志
孝貴克全嗟余事父母自省多過愆有志未及竟奇
疾忽見纏肥寸空在案對之不能照意者造化神有
命歸九泉嘗念夷與齊餓死首陽顛周粟豈不佳所
是哀獨偏高蹤渺難縈備滿無足傳千秋史官筆慎
勿稱希賢又題其案曰生既已矣未有補於當時死
亦徒然庶無慙於後世成祖登極陳瑛簿錄其家妻
金氏亦自經死二女下錦衣獄赴井死叔英與方孝

猶友善以遵義相副切建文初孝孺欲行井田叔英
貽之書曰凡人有才固難能用其才者尤難子房之
於漢高能用其才者也賈誼之於漢文不能用其才
者也子房察高帝可行而言故高帝用之一時受其
利雖親如樊鄴信如平勃任如蕭曹莫得間焉此子
房能用其才也賈生不察而揚言且言之太過故絳
灌之屬得以短之此賈生不能用其才也方今明良
相值千載一時但天下之事固有行於古而亦可行
於今者如夏時周冕之類是也亦有行於古而難行
於今者如井田封建之類是也可行者行則人之從

之也易難行而行則人之從之也難從之易則民樂
其利從之難則民受其惠此君子之用世責得時措
之宜也井田雖不行然孝孺卒以更易制度為燕王
藉口蓋叔英之遠識如此叔英死天台道士盛希年
拔葬之楊士奇少受知於叔英正統中表其墓曰為
呼翰林修撰王原來之墓為文以祭嘉靖中鄒守益
謫廣德判官始為立祠太平知縣曾才漢又建忠節
祠并祀其妻及二女福王時贈禮部侍郎益文忠
王良字敬止吉水人建文二年進士廷對策最優以
貌不揚易胡靖第一良次之又次李賈三人皆同里

並授翰林院修撰如洪武中故事設文史館居之預
修太祖寶錄總集類要修時政記類次秘閣書目諸
大著作良皆綜理之又數上書言時務燕兵薄京城
良與妻子訣曰食人之祿者死人之事吾不可復生
矣妾能願若等哉時解縉吳濤亦良鄉人與良及靖
居相隣皆集濤舍縉誅說大義靖亦奮激慷慨良獨
疏濤不言濤曰三子受知最深事在頃刻若濤去就
固可從容也三子去時濤子與弼尚幼嘆曰胡叔能
死節夫是佳事濤曰不然獨王叔死耳語未畢隔牆
聞靖呼曰外聞甚可看縉濤顧與弼曰一縉尚不忍

寧自忍乎須臾良舍聞哭聲已伏鴆死矣緒馳謁成
祖入見甚喜養歸靖復會緒曰情與君殊當自決緒
緒靖入房曰吾與汝不死鎖其門而去見成祖曰臣
才不及靖靖方欲自盡臣以人守之成祖曰盍與俱
來對曰非臣力所能須遣近臣數人諭以大義成祖
亟如緒言靖既至成祖迎執其手曰好箇秀才如何
從我坐免靖遂叩頭謝成祖太悅李賈亦迎附後成
祖出建文時羣臣封事千餘通令解縉等編閱帛軍
馬錢糧數盡焚諸言語干犯者因從容問賈縉等曰
爾等宜時有之衆未對賈獨頓首曰臣賈實未嘗有

也成祖曰爾以是為美耶食其祿忍任其事當國家
危急時官近侍獨無一言可乎朕非惡夫盡心於建
文者但惡導誘建文壞祖法亂政耳後賈遠中允坐
累死獄中臨卒嘆曰吾愧見王敬止矣福王時謚良
文節贈禮部侍郎又有高遜志者蕭縣人倚居嘉興
幼嗜學師事貢師秦周伯琦等文章典雅成一家言
洪武初徵收元史入翰林為編修累遷侍講學士十
五年試吏部右侍郎旋以事謫官朐山建文初召還
為太常少卿與董倫同為會試主考官得人稱盛燕
師入遁去隱鴈蕩山中是秋卒

周是修名德以字行泰和人洪武末舉明經為霍丘訓導入見太祖問家居何為對曰教人子弟孝弟力田太祖喜擢周府奉祀正通年從王北征至黑山還遷紀善建文元年有告王不法者官屬皆下吏是修以等諫王得免改衛府紀善衛王建文帝弟朱之國是修留京師預翰林纂修好薦達知名士陳說國家失計成祖兵渡淮與蕭用道上書指斥用事者誤國用事者怒共挫折之是修此不為動京城失守宮中大發是修留書別友人江仲隆解縉胡靖蕭用道楊士奇村以後事具衣冠為贊繫衣帶間入應天府學

拜老師畢，則經死於尊經閣，年四十九。成祖踐位，陳
瑛言是修不順天命，請加進，戮成祖曰：彼食其祿，自
盡其心，勿問。萬曆中，督學御史饒位，即是修死所立
祠祀之。是修外和內剛，志操卓犖，非其義一介不苟
得也。嘗曰：忠臣不以得失為計，故其言無不直。烈女
不以死生為慮，故其行無不果。乃輯古今忠節事為
觀感錄，其學自經史百家，陰陽醫卜靡不通，究為文
本，嘗歸忍，援筆立就，而雍容雅澁，詞理條達。初，士修
與楊士奇、鮮縉、胡靖、金幼孜、黃淮、胡儼約同死，義惟
足修不負其言。後士奇為作傳，語其子，隸曰：當時我

亦同死誰為前父作傳聞者傳以為災與是修先後
死者以石撰評文人以學行稱於鄉洪武中由薦
舉為軍府左長史燕王舉兵撰在大寧報為守禦計
無心臣節當符祖玉王亦心救之及燕兵襲大寧執
撰憤誓不屈遂棄解程通績漢人祖平生事戍延安
通心貢入太學上書乞赦還其祖辭甚哀太祖憐而
許之後以廷對稱旨授遼府紀善從王之國遠東燕
兵起從王浮海歸朝上封事數千言陳備禦之策進
左長史成祖即位從王徙封荊州有言通前上封事
妄指并者械至京瘐死獄中家屬戍遼福王時贈是

修曆事謹貞毅謹撰貞愍通贈苑馬寺少卿

黃鉞字叔揚常熟人少好學洪武中法令嚴急士多不樂仕家有田在蒿澤鉞父令督耕其中鉞從友次家借書竊讀不廢縣舉賢良授宜章縣典史建文元年舉湖廣鄉試明年賜進士授刑科給事中建文三年丁父憂方孝孺予之屏人問曰燕兵日南蘇常鎮江京師存賴也君吳人朝廷近臣今雖去宜有以教我鉞曰三府唯鎮江最要害守非其人是撤垣而納盜也鎮江指揮童俊校槍不可任吾見其奏事上前覲遠而書得其心不可測也蘇州知府姚善忠義

激烈有國士風但仁有餘而御下寬恐不足以定亂
然國家大勢當守上游兵至江南禦之無及也孝孺
乃因鉞附書於善善得書與鉞相對哭誓死圖鉞至
家依父殯以居燕兵至江上善受詔統兵勤王以書
招鉞鉞請營葬畢乃請軍既而童俊果以鎮江降鉞
聞國變杜門不出明年以戶科左給事中召半道自
殺於水以溺水聞故其家得不坐當燕兵之入也死
難者未有四給事陳總之莆田人建文二年進士為
戶科給事中時江南僧及道士多諛曰總之請人限
五畝餘以賦民從之燕兵起數條奏機宜京師破不

屈見殺父母兄弟皆戍邊妻子沒官韓永西安人或
曰淳山人與繼之同官狀貌魁梧音吐洪亮每慷慨
論兵事成祖卽位召至欲官之抗辭不屈死龔泰義
烏人洪武中以鄉薦入太學授戶科給事中建文三
年遷都給事中燕師渡江宮中大起泰馳赴燕兵縛
以見王王以非姦黨釋弗殺自焚城下死泰嘗遊學
宮有狂念撥泰溺池中幾死泰弗與校人服其量里中
有巫言人禍福輒中泰至則不能出一語予永吉官
坐兵部侍郎葉福侯官人建文二年進士授刑科給
事中燕兵至福守金川門死之福王時謚鐵志獻繼

光祿景采在介泰端果福節慈並贈太常寺卿又張
德明丹徒人由都督府斷事改戶科給事中擢師東
書遺孫真被執不屈斷臂死

戴德彞奉化人洪武二十七年進士及第授翰林編
修尋遷侍講太祖諭之曰翰林雖職在文學然既列
禁近凡國家政治得失民生利害當知無不言昔唐
陸贄崔群李絳在翰林皆能正言諫論補益當時汝
宜以古人为期德彞感奮圖報稱直聲震於朝改監
察御史蓋以言顯建文時改左拾遺燕王兵起與方
黃華日夕謀兵事成祖即位召見不屈死之當德彞

死時兄弟並從京師毀項氏家居聞變度禍且族令
闔室逃去匿德彝二子山中毀戴氏族譜獨身留家
及收者至一無所得械項氏至京極刑拷掠終無一
言戴族遂全福王時贈德彝太常卿謚毅直
程本立字原道崇德人父德剛負才氣不仕元將路
戒兵過皂林暴掠德剛為陳利害遂戢其部衆欲奏
當之辭去本立少有大志讀書不事章句與海鹽沈
香康友善壽康致孝行臺薦與官力辭不就鄉人稱
為孝德先生洪武朝旌表孝子嘗謂本立曰世之學
者爭務科舉以窮經為名而無實學子之質近厚且

年力方富當志聖賢之學本立由是篤志修檢聞金
華未克修得考亭之傳於許謙往從之造詣益深洪
武中舉明經秀才除秦府引禮舍人召見賜楮幣鞍
馬毋憂去官服除補周府禮官從王之國開封二十
年春進長史從王入覲坐累謫雲南馬龍他部甸長
官司吏日留家人梁携一僕之任土苻施可伐煽誘
百蠻為亂本立單騎入其巢諭以順逆利害諸酋咸
感悅歸附未幾復變西平侯沐英布政使張統知本
立賢屬行縣典兵事本立且燕且樂山行夜宿不避
險難旬楚雄姚安抵大理永昌鶴慶麗江往來綏輯

凡九年民用安業三十一年奏計京師學士董倫府
尹向寶交薦之徵入翰林預修太祖實錄遷右叅都
御史作御史箴以自勵俸入之外不通餽謁建文三
年生失陪祀貶官仍留幕修實錄成出為江西副使
未行值燕兵入旬繼死福王時贈太常鄉謚忠介

曾鳳韶廬陵人洪武末年進士建文初為監察御史
燕王兵起朝議遣使持詔往諭鳳韶慷慨請行北至
燕抗不納取竹通節鼓風達之亦不納乃還成祖稱
帝以御史召不赴尋加侍郎召又不赴乃刺血書衣
襟曰予生廬陵忠節之邦素負剛毅之腸讀書而登

進士第仕宦而至繡衣却慨一死之得宜可以含笑
於地下而不愧吾文天祥囑其妻李氏子公望勿易
吾衣即以此殮遂自殺年二十九李氏亦自經死福
王時贈太僕卿謚忠毅妻謚貞愍

王度字子中歸善人少力學工文辭洪武中用明經
薦為山東道監察御史建文時燕王兵起度與齊泰
黃子澄等審畫兵食時李景隆敗績威庸代之度密
陳便宜可制勝者乃有東昌之捷景隆徵還救不誅
反用事忌庸等功掩已讒間遂行度等與謀者皆見
誅已而師屢敗度奏請募兵王師捷於小河勅度

勞軍徐州北還鳳陽失守方孝孺與度書誓死社稷
成祖稱帝坐黨誦成負懸語不避閹門被繫度竟論
死福王時贈太僕卿謚襄愍

王彬字文質東平人洪武中進士拜監察御史巡按
江淮駐揚州會北平兵至彬與指揮崇剛嬰城堅守
時盛庸兵既敗人無固志守將王禮謀舉城降彬執
之及其黨繫獄剛出練兵彬修守具晝夜不解甲有
力士能舉千斤彬寄以旬隨燕兵飛書城中有縛王
御史降者官三品左右憚力士莫敢動禮茅崇厚賂
力士毋誘其子出乘彬解甲浴粹縛之出禮於獄閉

門納燕師彬與剛皆不屈死福王時贈彬太僕卿謚
忠莊贈剛德清伯謚壯愍

魏冕永豐人建文時為御史北兵至金川門都督徐
增寺徘徊殿庭有迎納意冕率群御史毀之幾死建
文帝念皇輟朝冕猶大呼請速加誅明日宮中大起
或勸冕歸附冕厲聲叱之遂自殺左都御史陳瑛請
追罪詔族其家同時有諸城人謝昇懷寧人甘霖襄
恆人連楹古田人林英聊城人丁志方皆為御史昇
被逮不屈被誅霖從容就戮子孫相戒不復仕楹叩
為敵犯歲祖被擒引領受刃屍植立不仆英出募兵

廣德知事不可為再拜自經妻宋氏下獄亦自經死
福王時謚冕曰毅直昇曰貞勤霖志方曰貞定樞曰
剛烈英曰毅節以樞死尤烈獨贈虐事餘皆太僕卿
又有董鏞者不知何許人與冕同為御史諸御史有
志節者時時會鏞所誓以死報國諸將校壞三心不
力戰者鏞輒露章劾之械致後坐逆黨死家成極遠
葉希賢松陽人以進士為御史建文中李景隆耿炳
文率兵禦燕相繼敗績希賢劾其喪師失律請誅之
朝廷深聽或祖即位坐逆黨論死或曰去為僧後不
知所終又有牛澤先者不知何許人或云亦官御史

金川門開易服宵遁遇一僧曰徐行吉速行去乃徐
行死於杭州僧寺妻妾送入教坊司有遺孀子名能
五傳至濱皆為樂戶萬曆中祠祭部萬寅亮為除其
籍

高巍遼州人尚氣節能文章母蕭有痼疾巍左右將
奉至老無少懈母死蔬食廬墓三年洪武中旌其孝
行由太學生試前軍都督府斷事疏請墾河南山東
北乎荒田又條上柳木枝慎選舉惜名器數事太祖
嘉納之尋以決事不稱旨當罪減死謫戍貴州閩索
嶺特許弟姪代役曰以旌孝子建文帝即位上疏陳

乞歸田里未幾遼州知州王欽應詔辟魏巍因赴吏部上書論政事畧曰高皇帝分封諸王此之古制實皆過當今諸王率多輪逸不法違犯朝制不削朝廷紀綱不立削之則傷親親之恩賈誼曰欲天下治安莫如衆建諸侯而少其力力少則易使以義國小則無邪心真裁制諸侯之良策也今蓋師其意勿行罷錯削奪之謀而效主父偃推恩之策命秦晉燕蜀子弟分王於齊楚吳楚湘潭齊兗吳楚湘潭子弟分王於秦晉燕蜀其餘寧遠各代度肅等此類而分王之少其力而減其地如此則藩王之權不削而自削矣

臣以願益隆親親之禮歲時伏臘使又魏問賢者下
詔褒賞之驕逸不法者初犯容之再犯赦之三犯不
改則令親王告太廟削其地廢處之豈有不順服者
哉書奏帝領之已而燕兵起命從李景隆出師恭贊
軍務魏優上書言臣願使燕披忠摠陳義禮曉以禍
福感以親親之誼令其休兵歸藩代朝廷十萬師帝
其其言許之魏至燕自稱國朝處士高魏再拜上書
燕王殿下太祖上賓天子嗣位布維新之政天下愛
戴陛下均有聖明外有藩翰咸康之治再見於今矣
宋稱太王願與朝廷絕張三軍抗六師臣不知大王

意何居也今在朝諸臣文者智練武者勇奮執言仗
義似順討逆勝敗之機明於指掌皆云大王藉口欲
誅左班文臣實則吳王濟故智其心為路人所共知
魏竊恐奸雄無賴乘隙奮擊萬一有失大王得罪先
帝矣今大王據北平取益雲下永平襲雄縣掩真定
雖易若建瓴然自兵興以來今經數月尚不能出藪
爾一隅之地較以天下十五而未有一馬大王所統
將士計不過三才萬以一國有限之衆應天下之節
夫王將士亦易罷矣大王與天子義別君臣親則骨
肉尚生離間况三十萬異姓之士可保其同心協力

效死於殿下乎。魏每念及此，未嘗不為大王洒泣流涕也。願大王信魏言，上表謝罪，再修親好，朝廷鑒大王無他必蒙寬宥。太祖在天之靈亦安矣。倘執迷不悟，舍千乘之尊，捐一國之富，恃小勝忘大義，以寡抗衆，為僥倖不可成之恃事。魏誠不知所稅駕也。況大喪未終，毒興師旅，其與恭伯夷齊求仁讓國之義，大夫和逕庭乎。雖大王有肅清朝廷之心，天下不無篡奪嫡統之議，即幸而不敗，萬世公論謂大王為何如人。惟大王熟思而審處焉。書達不報，魏復上書言大主論觀最長，論行最賢，我朝之周公也。當流言之誇。

亦如周公有所履之遜無驕恃之形輔我天子守成
如成王使我朝基業同周室豈不盛哉又言魏白髮
書生蜉蝣微命性不畏死洪武十七年蒙太祖旌表
臣魏孝行魏竊自負既而孝守當為忠臣死忠死孝
竊至願也如蒙賜死獲見太祖在天之靈魏亦可以
無媿矣書教上皆不報已而景隆兵敗魏自扶南歸
至臨邑遇叅政鐵鉉相持痛哭奔濟南誓死拒守燕
兵敗近魏常作賦紀事自鉉以下如徐將軍威統兵
高愈憲宋大泰張都統王知府王府校王肯播甘楨
其不戰守切威統兵者庸也餘不可考燕王破京城

魏自經死於驛舍福王時贈太常少卿謚忠毅當建
文時上書言燕事者又有御史韓郁書畧曰諸王親
則太祖遺體貴則孝康皇帝手足尊則陛下叔父使
二帝在天之靈子孫為天子而弟與子遭殘戮其心
安予臣每念至此未嘗不流涕也此皆豎儒偏見病
藩封太重疑慮太深而至此夫啓亡齒寒人人自危
周王既廢湘王自焚代府被權而齊臣又告王反矣
為計者必曰兵不舉則禍必如是朝廷執政激之使
然燕舉兵兩月矣前後調兵不下五十餘萬而一天
心獲謂之國有謀臣可乎經營已久軍興輒乏將不

効謀士不効力徒使中原無事赤子困於轉輸及不
聊生日甚一日九重之憂方深而出入惟懼與國事
者方且洋洋自得彼其勸陛下必削藩國者果何心
哉諺曰親者割之不斷疎者續之不堅疎有理也陛
下不察不待十年悔無及矣臣至愚感恩至厚不敢
不言幸少垂洞鑒興滅繼絕釋代王之囚封湘王之
墓還周王於京師迎楚蜀為周公俾其各命世子持
書勸燕罷兵守藩以慰宗廟之靈明詔天下撥亂反
正萬世親親宗社幸甚不聽燕師渡江郁棄官遁去
不知所終

黃彥清教人建文帝時為園子博士以名節自勵善言
辭一日行市中見童子避讓有禮道有遺帛或過而
拾之拂其塵以物鎮之而去嘆曰何世風之厚也入
朝併道之稱帝德化所致帝曰昨宮中有譁聲朕諭
曰朕寬刑尚德兩年來中外愉愉爾獨犯教豈朕有
非德歟行無禮歟外仁義而內多欲歟非然自責二
人始謝過夫一言之內尚未能齊何斯言之易也彥
清頓首曰萬邦時雍而有子獨做四方風動而有弟
未詣宮人失睦是其常事陛下引為己過愈見盛德
永樂初以在駙馬都尉梅殷軍中私謚建文帝坐死

并逮其從子金蘭等繫獄殺言彥清實不在軍中金
蘭等得釋後官知縣有善政又有巨敬者平涼人初
為御史後改戶部主事充史官清慎有聲與尚書陳
迪同遠聞不屈死夷其族樊士信者應城人以兵部
主事守淮力拒燕兵死之後亦滅族宋徽者為宗人
府經歷建文中嘗上疏請削罪藩屬藉又嘗論李景
隆喪師失律懷二心燕師入縛至不屈死并殺其妻
子福王時謚教毅直士信茲忠並贈光祿卿謚傲直
愍與彥清並贈光祿少卿

主良寧天性祥符人洪武三十年以刑部郎中擢

都御史明年刑部員外郎溫厚等坐法下都察院獄
良及同官張春郭資以嘗與厚等為僚友稍緩其獄
為御史周庸所劾皆貶官良仍為刑部郎中建文中
歷官刑部左侍郎坐議燕府人罪木減不當上指出
為浙江按察使成祖即位頗德之遣使者召用良良
執使者將斬之衆劫之去良集諸司印於私第未即
決妻問故曰吾分應死未知所以處汝耳妻曰君早
自為計毋慮我遂饋良食食已抱其子入後園置子
池旁投水死良驗妻畢以子付所善某僉事家遂積
薪自焚印俱毀事聞帝曰死固良分朝廷印信不可

毀毀印良不得無罪徙其家於邊正德中浙江按察使梁材提學副使劉瑞邵公署為祠祀良福王時贈良副都御史謚忠毅妻謚貞烈

姚善字克一安陸人初姓李洪武中繇鄉舉歷祁門縣丞同知廬州重慶二府洪武三十年遷蘄州知府初太祖以吳俗奢僂欲重繩以法黠者更持短長相攻訐訟滋起難治善為政持大體不為苛細訟以是衰止吳中大治好折節下士賢士隱者輒往就謁與布衣俞貞木交善有錢芥者負奇節善願見不可得嘗餽貞木米吏誤致芥所芥受之貞木曰錢先生不

妾取于今受府公饋知府公矣善聞之喜欲往見芹
使人先之芹對使者曰芹誠願見公然芹民也不可
往見於庭若明公弘下士之風請以月朔會學宮善
如期迎芹至置上坐請質經義芹曰此非常今所急
也善悚然起問芹乃出一冊授善遂去視之皆守禦
策時燕兵已南下善密結隣近知府練民兵為備薦
芹於朝署行軍斷事善尋至京師會朝廷以燕王上
書敗奔泰黃于澄於外善言泰于澄不當死遂復召
二人建文四年詔兼督蘇松常鎮嘉興五府兵勤王
未及戰燕王入京索于澄急于澄匿善所約共航海

舉兵善謝曰公可去善不可去公朝臣當行收兵圖
興復善守土與城存亡并子澄去善為麾下斫十戶
者縛以獻不屈死年四十三子節等四人俱戍配芹
字繼忠從李景隆北行遣入奏事道病將卒猶條上
兵事緩急卒年七十三賜棺葬黃山福王時贈善太
僕卿謚忠惠亦贈芹光祿少卿

陳彥曰字士淵莆田人父立誠為歸安縣丞被誣論
死彥曰戍雲南弟彥因戍遼東彥曰入滇家人從者
多道死比至蜀唯彥曰與祖母都在會赦又弗原監送
者憐而縱之去顧貧不能歸往依鄉人定遠知縣黃

積良胥姓黃久之以閩中教諭嚴德政薦授保寧府
學訓導三考至京太祖召見以為平江知縣逾年太
祖崩彥回入臨又以給事中楊維康薦擢徽州知府
建文元年以循良受上賞遣祖母郭喪當去百姓走
京師乞留彥回哀經赴闕自陳首乞得獲姓奪哀留
藏除彥回戌籍彥回乞終喪不許許裏事還府再乞
又不許葬郭徽城北十里北山之陽彥回時至墓下
哭甚哀人目之曰太守山彥回對百姓泣曰吾罪人
也向以亡命冒他姓祖母存陳首恐獲罪隱忍且二
十年今祖母沒宜自請死上特宥我終當以死報國

斥燕兵逼京師彥回糾集義勇赴援成祖卽位械至
京死籍其家時又有葉惠仲者臨海人與兄夷仲並
有文名建文初以知縣充史官修太祖實錄遷南昌
知府永樂元年坐書靖難事多指斥以逆黨論死籍
其家黃希范者不知何許人洪武末知徽州府與長
史程通善通誅希范亦遠治籍其家福王時贈彥回
太僕卿謚穆愍惠仲希范並贈太僕少卿蔡運者南
康人歷官四川叅政劾直不諂於俗罷歸復起知賓
州有惠政永樂初亦論死又松江同知者不知其姓名
或言為周繼瑜勤王詔下輒榜募義勇入援極言大

義感動人心并斥請難兵永恩悖道成祖卽位械至
京憐於市福王時贈太僕少卿謚莊愍石允常者寧
海人洪武二十七年進士官河南僉事廉介有聲坐
事謫常州同知建文末率兵防江諸將皆潰遂棄官
歸後連錄廢周藩事逮至京鍛鍊百端堅不服繫獄
二年免死戍邊卒

顏伯璋名瓌以字行廬陵人建文元年以賢良徵授
沛縣知縣時李景隆屯兵德州拒燕沛人終歲親運
伯璋善規畫得不困會設豐沛軍民指揮司乃集民
兵五千人築七堡為備禦尋調其兵蓋山東所存疲

弱不任戰燕兵攻沛伯瑋遣縣丞胡先間行至徐州
告急援兵不至遂命其弟珏子有為還家侍父題詩
公署壁上誓必死燕兵夜入東門指揮王顯迎降伯
瑋冠帶升堂南向拜畢自經死有為不忍去復還見
父屍遂自刎父旁沛縣主簿唐子清典史黃謙俱被
執燕將欲釋子清子清曰願從顏公地下遂死之又
遣謙往徐州招降謙不從亦死胡先收葬伯瑋父子
屍於沛縣南關外是時與伯瑋先後死者又有三知
縣向朴慈谿人力學養親洪武末以人材召見授獻
縣知縣縣無城郭朴集民兵以守與燕將譚淵戰敗

被執懷印死鄭恕仙居人蕭縣知縣燕將王聰破蕭
恕不屈死籍其家二女當配亦死之張彥方龍泉人
初為給事中以便養乞改樂平知縣應詔勤王率所
部抵湖口被執械至樂平斬之梟其首於譙樓當暑
月一繩不集經旬而如生邑人竊葬之清白堂後又臨
海人鄭華由行人貶東平州吏日燕兵至州長貳盡
棄城走華獨率吏民憑城固守城破猶力戰不屈死
福王時贈伯球太僕少卿謚忠惠有為翰林待詔謚
孝節謚于清義節謙果義並贈工部員外郎謚朴忠
莊恕忠節彥方莊愨華貞莊並贈太僕少卿

王省字子職吉水人洪武五年領鄉薦至京詔免會
試命吏部授官省言親老乞歸養尋以文學徵太祖
親試稱旨當殊擢自陳才薄親老乞便養授浮梁教
諭凡三為教官最後得濟陽燕兵至為游兵所執從
容引譬詞義慷慨衆舍省者歸坐明倫堂伐鼓集諸
生謂曰若等知此堂何名今日君臣之義何如因大
哭諸生亦哭省以頭觸柱死孫禎別有傳福王時贈
省禮部員外郎謚貞烈

陳思賢茂名人洪武末為漳州府學教授成祖即位
詔至恸哭曰明倫之義正在今日堅卧不迎詔率生

員伍性原陳應宗林珏鄒君默曾廷瑞呂賢即明倫
堂為建文帝又臨如禮有司執送京師思賢及六生
皆死或曰死於道嘉靖中提學副使邵銳立祠祀賢
侑以六生福王時贈思賢禮部郎中謚貞愍

論曰明興禮賢勸士人自濯磨學者皆知忠孝節義
之為美矣迨於嗣君雜在位日淺而雅意右文儒生
駕用是以革命之日士大夫樂為之死如玉叔英以
下若而人並能慷慨激昂捐生殉國斯非崇儒興學
之明效乎彼夫菲薄章縫屢罵韋布甚至摧殘挫折
惟恐其不力者則又何也